



**Claudii Fleurii Abbatis Historia Ecclesiastica**

Ab anno Christi 1551. usque ad annum 1553

**Fleury, Claude**

**August. Vind. [u.a.], 1771**

**VD18 90118561**

§. 73. Cardinalis Poli epistola ad Reginam.

---

[urn:nbn:de:hbz:466:1-66577](#)

Sæc. XVI. a schismatis culpa, ac poena liberari  
 A.C. 1553. efflagitabat, simulque promittebat, quod  
 rebus publicis integre compositis, se-  
 datisque tumultibus per Legatos obsec-  
 quium suum præstare velit. Insuper Com-  
 mendono injunxit, ut summo Pontifici  
 significaret, quod vehementer optaret,  
 ut Cardinalis Polus, tanquam Sedis Apo-  
 stolicæ Legatus in Angliam decerneretur,  
 clam tamen id fieret, ne secreto præ-  
 mature divulgato pia utriusque consilia  
 suo frustrarentur successu. Præterea ipfa-  
 met epistolam ad hunc Cardinalem scri-  
 pserat, eandemque unacum literis ad  
 Pontificem directis Commendono tradi-  
 dit. Hic ergo utraque epistola muni-  
 tus exeunte mense Augusto Londino di-  
 scessit, paululumque Bruxellis subsistens,  
 veredariis equis Romam contendit, bre-  
 vem admodum moram in itinere agens,  
 ubi Cardinali Polo epistolam a Regina,  
 ut creditur, eidem traditam consignabat.

### §. LXXIII.

#### *Cardinalis Poli epistola ad Reginam.*

Sanderus  
 p. 316.  
 Thu. l. 13.  
 num. 3.  
 Ciacon. in  
 vit. Pontif.  
 tom. 3.  
 p. 630. &  
 seq.

Cum idem Cardinalis Reginam ad priam  
 hoc propositum jam antea animasset,  
 die decima tertia ejusdem Mensis Au-  
 gusti literas gratulationis, ac solatiū  
 plenas ex soliditudinis suæ loco ad ean-  
 dem perscripsit, atque dilaudato illius  
 studio erga veram religionem his verbis  
 illam

illam hortabatur: *Mea erga Deum, & Sæcul. XVI.  
suam Ecclesiam, ac erga Majestatem tuam  
pietas me cogit unum in hoc Regni tui  
initio tibi in memoriam revocare, quod  
est, ut cum ita singulare beneficium a  
Deo acceperis, diligenter consideres, e  
quibus radicibus perturbationes rerum ad  
justitiam, & ad veræ Religionis cultum  
pertinentium, pullularint: quippe cum  
illæ iudicis in isto regno cum tanta ruina  
succreverint tam publica, quam privata,  
quanta non ignoratur: Atque si hoc ita  
feceris, percipies projecto principium, &  
causam omnium malorum tunc pullulasse,  
cum perpetuus humani generis adversarius,  
Patri tuo persuasit impurum consilium,  
ut divortium fieret Matris tuæ optimæ  
Reginæ, atque illi magnæ in Deum, in  
ipsam, in te, in seipsum injuriæ, majus  
additum & scelus, quod a Matre divor-  
tium fecit omnium Christianorum, a  
sancta Catholica obedientia, & ab Apo-  
stolica reverentia. Ex hoc iniquo, &  
impi semine tot pestiferi fructus nati  
sunt, ut ita regnum ubique corruerint,  
ut nullum neque justitiae, neque veræ Re-  
ligionis vestigium apparuerit: relegatae  
enim sunt ambæ, quando reverentia, &  
obedientia Ecclesiæ ejecta fuit; neque  
prius sunt reddituræ, quam divina obe-  
dientia in animum recepta sit eorum, qui  
rebus præfuerint. Hoc facile tua Ma-*

Ss 3

jestas

Sæcul. XVI jesus mihi servo suo potest credere, qui  
A.C.1553. plurima, & ista, & Majestatis vestra  
caussa passus sum, neque ullam defendenda  
caussæ tuæ rationem prætermisi, ubi ali-  
quod extaret remedium, quo te tuis mo-  
lestiis sublevarem, quod si mei labores  
eum finem consecuti non sunt, quem sem-  
per desideravi, saepius vel vitam ipsam  
periculis exponens; certe nunc ea de re  
multo magis lætor, quam si ipse adjutor  
fuisem, cum apertissime cognoverim di-  
vinæ providentiae in Majestatem tuam  
propensam voluntatem, nam profecto no-  
luit Deus illa humana te manu adjuvari,  
neque Pontificis, neque Cæsaris, neque  
ullius Principis, quamvis nunquam cessa-  
verit Pontifex Cæsarem ad opem ferendam  
cobortari, neque mea defuit diligentia  
utrisque ad hoc piuum opus sollicitandis;  
sed divinitus res protracta est, donec sta-  
tutum tempus a Deo adventarit, quo di-  
vinam manu sublevareris: interim usus est  
Deus eadem ratione, qua erga charissi-  
mos, & dilectissimos uti consuevit, quos  
nutrit, & educat in omni calamitatum,  
ærumnarumque genere, ut gratiæ sua  
semen altiores radices in corde tuo posset  
extendere, meliusque floreat, ac nobis  
liores fructus producat, cum visum fu-  
rit in pristinam felicitatem revocare.  
Istud nunc omnes boni exspectant, atque  
ego in primis, cui major occasio con-  
cessa

cessa est dotes animi, quæ divinitus tibi Sæcul. XVI.  
concessæ sunt, a teneris cognoscendi. Ea A.C. 1553.  
res me multo etiam magis impellit, ut  
Majestati tuæ id significem de re tanta,  
quanta est Ecclesiæ obedientia, me magis  
etiam sollicitum esse, quam antea, qua  
mente sis erga Religionem, & quo pacto  
affecta: nam cum circiter trecenta millia  
passuum distem ab Urbe Roma, nuper ad  
me de rebus Britanicis est delatum, &  
per literas summi Pontificis certior fa-  
ctus sum, te ad summum imperium esse  
proiectam, & electus Legatus a Sancta  
Sede Apostolica ad Majestatem tuam, &  
ad Cæsarem, & ad Galliarum Regem,  
ut tibi gratularer pro victoria Dei, in  
bac caussa ipsius Dei, sed quia, quanti res  
fit, intelligo, censui, non inutile fore,  
si Majestatis tuæ mentem, quo pacto  
Deus eam moverit prius percunctatus fue-  
ro, cuius caussa præsentem nuntium cum  
meis literis mitto, neque istud quidem fit,  
quia de optima voluntate tua subdubitem,  
quoniam te semper gratam erga Deum  
fuisse cognovi, & acceptorum non im-  
memorem, legumque divinarum obser-  
vantissimam, inter quas obedientia Apo-  
stolicae Sedis continetur, cui maxime  
omnium favere debes, nam certe quidem  
Majestatis tuæ Pater nulla alia de caussa  
Apostolicam obedientiam reliquit, nisi  
quia nollet Pontifex Romanus caussæ tuæ

Ss 4 favens,

**Sæcul. XVI.** favens, turpi, & iniquo ejus desiderio  
A.C.1553. assentiri, sed quoniam tot annos tanta  
 facta est mutatio, tantaque malitia co-  
 nata est evellere ex animis hominum, pe-  
 nitusque restinquere banc ipsam obedien-  
 tiam, & observantiam, mibi visum est  
 non absurdum fore, si ex te ipsa percun-  
 claver, quod tempus, aut quæ ratio aptior,  
 commodiorque videretur ad ipsius Vicarii  
 Christi legatione perfungendum, idque  
 ad istius regni beneficium, & consolatio-  
 nem: cuius felicitas, & quietes semper ma-  
 gis oppressa fuit, ex quo Santa obedientia  
 expugnari cœpta est, coactaque solum  
 vertere: decrevi igitur prius responsum  
 expectare; quod ut expectationi meæ opti-  
 me respondeat, ab omnipotente Deo sup-  
 pliciter peto, omniumque piorum spei,  
 quam habent de Majestate tua conceptam,  
 idque ad confirmationem, & incremen-  
 tum felicitatis tuæ, & istius regni, quod  
 si mibi benignam audientiam concederis,  
 spero futurum, Dei optimi maximi bene-  
 ficio, ut intelligas in bac ipsa obedientia  
 Ecclesiæ consistere, & collocatum esse  
 fundamentum, & stabilimentum omnium  
 honorum ipsius regni. Sic igitur rogans  
 omnipotentem Deum, ut pro sua infinita  
 misericordia Majestatem tuam fortunet  
 in ipso imperio, in quo collocavit, sum  
 scribendi faciam. Datum e Cœnobio Me-  
 gazeni Benaci die decima tertia Augusti  
 Anno

Anno Domini millesimo quingentesimo Sæcul. XVI.  
quinquagesimo tertio.

A.C. 1553.

## §. LXXIV.

*Reginæ responsum ad Cardinalem  
Polum.*

Ignoratur equidem, an Regina hasce *Ciacon.*

literas ante Commendoni discessum p. 630.

jamjam acceperit, vel potius per illam *Sander.* i.e. epistolam, quam Polo deferendam Commendono tradiderat, ad ejusdem literas responderit. Id omnino certum est, quod Regina in eandem cum Cardinale sententiam abierit, eique ingens desiderium adventus ejus, & firmum regni sui ad avitam fidem, & Romanæ Ecclesiæ obedientiam revocandi studium significaverit: insuper ab ipso petebat, ut humillimum suum obsequium Pontifici offerat, & vicissim ab eadem indulgentiam sibi, & benedictionem efflagitet.

Præterea eundem rogabat, quatenus iter acceleraret, eoquod nunquam a Ministro magis digno & idoneo, nec non per idem Religionis studium, atque aliis sibi titulis juncto majus præsidium expectare posset, eumque hanc in rem a Patris sui furore fuisse præservatum scribebat, ut pius hoc opus ejus ministerio omni exspectatione felicius ad exitum duderet.

Ss 5

§. LXXV.